

mini coeperunt vellere spicas &c. usque ad XIX. five: *Quod Turbae Optulerunt Domino Mutos.* Hic interjecta est ex *Quaestionib. LXXXIII.* illa, quae numero in *Edit.* est LXI. et incipit: *Quinque Panes bordacei &c.* sed non integra. Mox *Quaestiones Evangel.* a L. I. *Quaest. XXXI.* ad XXXIX. resumuntur. Post hanc intercurrunt ex *Quaestionib. LXXXIII.* duae illae, quae in *Edit.* sunt LX. et LIX. Demum *Quaestiones Evangeliorum* a *Fragmento Quaest. V. Libri II.* usque ad finem feliciter decurrunt. Adjacet clausula: *Explicit in Luca.*

III. fol. 38. *Fragmento tertio* resumuntur *Quaestiones LXXXIII.* ut supra monui, et quidem a *Quaest.* in *Edit.* LXVI. cujus abest initium. Numeratur haec in *Cod.* III. atque ut collationem inter *Edita* et *Codicem* superius coeptam prosequar, ita se Numeri habent: LXVII — IV. LXVIII — V. LXIX — VI. Haec vero paullo ante finem in his verbis: *Corporis similitudinem ducens*, abrumpitur. Habes operosum recensum disjectorum membrorum *Augustini*, cujus nomen ne semel quidem toto *Codice* exprimitur. Ut eum non reformidarem, sinceritas et elegantia *Codici* suavit. Qua ratione *Quaestiones* hae adeo inter se misceri et confundi potuerint, ex ipsius Autoris L. I. *Retractat.* c. 26. et *Prologo in Quaest. Evangel.* facile desumes.

Denis Codd. mss. theol. Bibl. Palat.

CCXXXVI.

Codex membraneus lat. Sec. 78a XV. Folior. 182. 8. luculente perscriptus et minio decoratus complectitur absque indicatione *Meditationes* olim *Augustini* nomen praeferentes, certe ejus sententiis refertas, quas Editores *Mauriani* ad *Adpend. T. VI col. 107.* ablegarunt, rationibus in *Monito* praevio expositis. Initium est: *Domine Deus meus da cordi meo te desiderare &c.* Textus lectionis varietate non carens *Capitum* loco variis rubricis interstinctus est, et ad calcem habet: *spliciunt meditationes augustini.* A fol. 119. p. 2. sequuntur: *Hore crucis domini nostri ihesu christi. Hore de sancto spiritu et de sancta trinitate.* Possesorem quondam *Lusitanum* fuisse haec pag. ult. verba produnt: *Feria Vta XVI dias de Mayo Anno de mill IIIIXXXI anos na Cidade de Lixboa &c.* De Pace hoc anno cum *Castellanis* in XV. annos inita fermo est.

CCXXXVII. VII. H. 24.

Codex chartaceus hisp. Sec. 753 XVI. Folior. 406. 8. quondam *Seb. Tengnagelii* Bibl. Aug. Praefecti τὰ πολυλογωτάτα inscribitur: *Las Meditaciones de Santo Augustin. Recogidas de Diuersos libros de los antiguos padres.* Con otras meditaciones, Tomadas En la libreria de S. Victor. El Todo Traduzido de lengua Francesa. En

lengua Castellana. Por mi P. 1574. Igitur *Parisiis*, et iussu quidem *Elisabethae* Aufr. *Maximiliani* II. Imp. Filiae, quae a. 1570. *Carolo* IX. Regi nupta ab ejus morte *Vindobonam* rediit et in condito a se *Virginum D. Clarae* Asceterio diem clausit a. 1592. Ita *Interpres* in *Dedicatione*, quam praeit et sequitur breve *Carmen* hispanicum pauperis venae. Insunt vero *Collectioni* huic praeter dictas *Meditationes*: *Los Soliloquios de S. Agustín. El Manual de S. Agustín. Las Meditaciones de S. Anselmo. Las Meditaciones de S. Bernardo abbad. Sermon del Mismo de la Muerte y Passión de nuestro Sennor. Discurso de Pedro Damian sobre la ora dela Muerte. Deuota Ocupación y sancto Exercício del alma que medita en la Contemplación de Dios*, et *Orationes* XXXV. pro variis opportunitatibus. Quod ad *Augustinum* adinet, parcere poterat operae *Interpres*, qui *Versionem Meditationum, Soliloquiorum et Manualis* typis *Mart. Nutii Antverpiae* 1550. 12. proditam ignorasse videtur. Nihil de eo in *Nic. Antonii Bibl. Hisp.*

CCXXXVIII.

—825— Codex membranaceus lat. Sec. partim XV. partim XIV. Folior. 298. 8. commode perscriptus et rubricis notatus, olimque *Fratrū sancte Crucis in Colonia* sequentia complectitur: I. *Incipit soliloquium beati augustini episco-*

pi. ad prouocandum hominem ad amorem dei. Ita: *Agnoscam te domine cognitor meus &c.* A nobis indicatum *Cod. DLXXII.* ut subpositum, et a *Maurianis* reiectum in *Append. T. VI. ad col. 85.* Abest a *Codice Δοξολογία: Omnis gloria &c.*

II. fol. 58. *Incipiunt excerpta libri confessionum beati augustini episcopi.* Initium: *Magnus es domine et laudabilis valde &c.* Affectibus plurimum indulgit *Excerptor*, qui tamen non nisi ad *L. XI.* pervenit. Ultima sunt: *atque confirmes in eternum deus meus misericordia mea.* Post quae: *Expliciunt excerpta confessionum beati augustini episcopi patris nostri &c. Anno domini. M. CCCC. XXIX. in XLma. Deo gratias. Amen. Augustini Confessiones* habentur edit. *Maur. T. I. col. 69.* Atque haec manu *Sec. XV.* Deinceps manu *Sec. XIV.*

III. fol. 137. *Johannis presbyteri damasceni qui mansio* (vide *Cod. CCXIV.*) *libri incipit. in quo est traditio certa orthodoxe fidei. c. diuisa. c. a burgundione iudice ciue pisano de greco in latinum. Domino tercio eugenio beate memorie pape translatus.* Illud *c. diuisa c.* significat: *Centum diuisa Capitibus*; in IV. tamen per decursum *Libros* dispescitur, quorum collecta *Capita* numerum 106. conficiunt. Obiit *Eugenius* III. a. 1153. *Interpres* vero *Job. Burgundio* a. 1194. ut habet ejus *Epitaphium* relatum a *Maz-zuchellio* in *Scriptor. Ital. Vol. II. P. 3. p. 1768.* ubi plura de *Viro*